



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Vtrum prædestinatio præcipue sit intellectus an voluntatis. disput. 2.

[urn:nbn:de:hbz:466:1-73915](#)

288 Quæst. xxij. Artic. j. & ij. Disput. ij.

A arbitrij creati Deus collocauit, ait eo loco, Deum praeservare quidem an sit, vel non sit futurum: non tamen prædestinare, quasi felicitate vita dependentia à creato arbitrio id velit, villam arbitrio imponat necessitatem.

Prædestina-
tionis pref-
sulta ratione
ratio transmis-
sione rationalis in vitam eternam.

Prædestinatio igitur pressè sumpta variè definiri soler. A D.Thoma hoc loco artic. i. dicitur, esse ratio transmissionis creature rationalis in vitam eternam. Transmissione intellige, quæ re ipsa impleuratur quod necessarium est, ut ratio illa adiumentum habeat propositum conferendi media, quibus talis creature beatitudinem confequeretur. In secundo articulo hanc aliam innuit definitionem, est ratio ordinis creature mente prædicta in vitam eternam: intelligi similiter, a sequendam. Ab Augustino libro de bono perseuerantie, cap. 14. definitur, esse præscientia & preparatio beneficiorum Dei, quibus certissime liberantur quicunque liberantur. Ab aliis vero definitur, Preparatio grata in presenti, & gloria in futuro.

Germania de-
finitio.

Aptius tamen, ut credo, ita definiri poterit. Prædestinatio, est ratio ordinis, seu mediorum in Deo, quibus præuidet creaturam rationalem perducendam in vitam eternam cum proposito eundem ordinem exequendi. Etenim prædestinatio, ex Diuo Thoma hoc loco, & communis Theologorum sententia, quoad id, quod habet tam ex parte intellectus, quæ voluntatis diuinæ, quæ pars quedam est diuinæ prouidentiæ subiecta: modò tamen spectetur ex parte obiecti. Diuina namque prouidentia circa omnes res versatur: prædestinatio vero solum est circa mentem prædictas, que sola beatitudinis sunt capaces. Prouidentia rursus cōparatione quorumcumque finium cernitur: prædestinatio vero solum cōparatione beatitudinis supernaturalis. Quia vero Deus circa reprobos etiam suam habet prouidentiam, non solum, quia ob fines conguos permittere velit peccata, quæ præuidet reproborum libertate, & peruersitate esse futura, cæque, ut equitas iustitiaeque ipsius postulat, vult etiam ob fines optimos punire, in quibus omnibus ratio prouidentia cernitur, sed etiā, quia sicut voluntate conditionata, seu antecedente, vult creature omnes mente prædictas salvas fieri, quem per finem omnes condite sunt, ut quæst. 19. artic. 6. ostensum est: ita quoque circa omnes prouidentiam exercet cōparatione beatitudinis supernaturalis, ex sua parte executioni mandans media, quibus ad beatitudinem pervenire nisi per ipsos, aut, quoad Adami posteros, per primum parentem, & cursum vniuersi (maxime quoad eos, qui ad usum rationis non perueniunt) non staret, ut quæstione precedente artic. i. explicatum est. Quia, inquam, cōparatione creaturarum omnium mente prædictarum Deus habet prouidentiam circa beatitudinem, atque adeò apud se rationem haber mediorum, quibus peruenire possint in vitam eternam, cum proposito talem ordinem, quod ad se attinet, exequendi, contrahitur prouidentia ad rationem prædestinationis, quæ solum est cōparatione creaturarum, quæ vitam eternam consequuntur, per particulam illam, quibus præuidet creaturam rationalem perducendam in vitam eternam. Commodius vero ea adhibetur: quoniam, ut videbimus ex sola præscientia, qua Deus præuidet eum, cui ea media vult, quibus redditur prædestinatus, perueniendum in vitam eternam (qui tamē, si vellet, posset ea negligere, eis abuti, nec ad vitam peruenire) totam suam certitudinem habet diuina prædestinatio. Atque ex hoc capite conciliabimus facilè illius certitudinem cum nostri arbitrij liber-

tate. Dixi: prædestinationem modò ex parte obiecti spectetur, esse quasi partem subiectam diuina prouidentiæ: quoniam prædestinatio & prouidentia in Deo idem proorsus actus est tam ex parte intellectus, quam ex parte voluntatis: attamen actus ille, ut habet rationem prædestinationis, respicit pauciora obiecta, quam respicit, ut habet rationem prouidentiæ: respectuque illi rationis sunt, ut ex dictis quæst. i. 4. artic. 1. & q. 19. manifestum est.

Ex dictis patet, prædestinationem formaliter esse in Deo, atque adeò esse eternam: ab ea vero eos homines & Angelos, qui prædestinati dicuntur, denominatione extrinseca dici tales: sicut denominatio etiam extrinseca à Deo cogniti, & dilecti dicuntur. Exequitio vero, effectuive diuina prædestinationis, ut vocatio, iustificatio, &c. ex tempore fiunt, & vel in ipsis prædestinatis, vel in rebus aliis creatis existunt, qualia sunt miracula, & alia media extrinseca, quibus prædestinatus ad vitam eternam consequendam iuvatur. Quid sit, ut prædestinationis formaliter nihil in prædestinatis ponat, in quibus ponit effectus tempore à Deo præstituto.

DISPUTATIO II.

Vrum prædestinatio præcipue sit actus intellectus an voluntatis.

Dicitur Vo examinanda nobis restant circa prædestinationem. Vnum, utrum ea potius in actu intellectus, quam voluntatis, constituenda sit, quod hoc loco disputandum est. Alterum, circa exequitionem, effectuive suos, quinam illi sunt, id quod disputatione sequenti præstandum erit.

Quod ergo ad primum attrinet. Licet Doctores conuentant, ad diuinam prædestinationem necessarium esse, tam actum diuinæ intellectus, quo præcipiat media, quibus præuidet prædestinatum in vitam eternam perueniendum, quam actu voluntatis, quo eligat, statuāque conserre ei talia media: dubitant tamē, num prædestinatio significet utrumque actum, an alterum tantum: quod si utrumque, quem præcipue.

Scorū in i. distin. 40. prædestinationis nomine affirmari significari solum actum voluntatis. Addit nomen, opere tamen, posse etiam dici, significari actum intellectus, innuendo actum voluntatis. D.Bonaentia eadem dist. artic. i. quæst. 2. præcipue significari ait actum voluntatis.

Suaderi potest haec opinio primò. Quoniam in Suadetur scripturis sanctis prædestinatio appellatur electio, primò. propositum, ac dilectio: unde Matth. 22. Multi sunt vocati, pauci vero electi. Ad Ephel. 1. Elegit nos in ipso, prædestinatus nos secundum propositum voluntatis sue. Ad Roman. 9. Jacob dilexi, Esau autem odio habui: porr̄ electio, propositum, ac dilectio, actus sunt voluntatis.

Secundò, quoniam prædestinatio includit finis secundæ, affectum, et quæ causa efficax mediorum & finis: cum ergo causa proxima rerum sit diuina voluntas: sit, ut prædestinatio in actu voluntatis diuinæ posita sit.

Staruenda est nihilominus haec conclusio. Prædestinatio utrumque actum coniunctim significat, præcipue tamē actu intellectus. Prior pars probatur ex definitione ipsa prædestinationis, quæ utrumque includit, ratione videlicet, seu conceptionem mediorum quibus Deus præuidet perueniendum aliquem in vitam eternam, & propositum seu voluntatem talia media conferendi, per quam ratio prædestina

destinationis compleatur. Posterior verò pars probatur, quoniam præordinare sive præfinire, quod verbo, *prædestino*, significatur, actus est rationis, sive intellectus, coniunctus cum actu voluntatis, per quem compleetur. Vnde ab actu intellectu desumitur nomen: quippe cùm ordo rerum in suis finibus ab intellectu tamquam propriis effectus emaneat: qua ratione à multis dicitur prædestinationis significare actum intellectus, & innuere actum voluntatis: quod non sic est accipiendū, quasi intrinsecus eum non includat. Atque hoc modo intelligendus est. D. Thomas hoc loco, dum, definiens prædestinationem esse rationem transmissionis aut ordinis creaturæ rationalis in vitam æternam, docensque esse quasi partem diuinæ prouidentiæ subiectam, affirmat prædestinationem actum esse præcipue intellectus. Id quod etiam dicit q. 6. de verit. art. i. docent Durandus, & Gabriel in 1.d.40.q.1. & plerique alij. Confirmari potest eadem pars conclusionis, tamen quia prædestinationis pars est diuinæ prouidentiæ quasi subiecta: prouidere autem præcipue ad intellectum pertinet: tum etiam, quia prædestinari aliquem, & in libro vita conscribi, ad eamdem pertinet potentiam: liber autem vita in intellectum diuinum præcipue significat.

Non desunt, qui existimant, prædestinationem compleri quidem per actum voluntatis, quo, excoigitata per intellectum ratione mediorum, quibus aliquis præuidetur peruenturus in vitam æternam (quem actum præcipue significat prædestinationis) Deus volutate proponit, ac statuit talia media conferre: at dicunt, tamen ante hunc voluntatis actum, quād ante illum alium intellectus diuini, exiisse alium actum voluntatis, quo Deus voluntate absoluta elegit, quos voluit ad beatitudinem, volendoq; eis ipsum beatitudinis bonum, prius dilexisse eos, posterius verò, nostro intelligenti more, ad beatitudinem prædestinasse. Etenim volitio finis, ut putant, nostro intelligenti more præcedit ex cogitationem, ac volitionem mediorum in finem: in his verò duabus posterioribus actibus ratio tota prædestinationis comparatione finit beatitudinis posita est.

Eduis prædestinationi nō antecedit ratione mediorum ad finem cuiusque prædestinationis, atque adeò id, quod prædestinationis cuiusque dicit ex parte intellectus diuini, non sit posterior electione eiusdem ad beatitudinem, quæ in Deo libera omnino est. Quo loco animaduertendum est: Theologos ita cum Scripturis sanctis in Deo consilium constitueret, ut imperfectionem omnem ab eo secludant: non secludit verò, si dicamus, Deum, post liberam finis volitionem, media ad finis propositi asseverationem querere, & investigare. Ex imperfectione namque nostri intellectus oritur, ut consultatio de mediis posterior sit volitione finis, quatenus neque media, neque mediorum exitus, ante volitionem finis comprehenduntur. Apud Deum verò longè aliter se ferebant, in quo tota ratio, tam agibilium, quam factibilium, liberum omnem actum voluntatis antecedit. Quare ex eo quod homines post volitionem finis inquirere, & consultare soleant de mediis ad finem comparandum efficax argumentum non est, ut idem de Deo philosophemur, idque, quod in nobis imperfictio est illi tribuamus.

A Præterea art. 5. ostendemus, Deum non alia ratione prædestinatos in vitam æternam elegisse, quā complacendo sibi in mediis, ac fine ipso beatorum præuisis præcognoscendo enim, per quæ media peruenturi essent re ipsa in vitam æternam, & beatitudinem ipsi, & non nisi vt per talia media beati euaderent, exoptauit. *Elegit nos*, ait Paulus ad Ephes. i. in ipso, hoc est, in Christo: Christus autem medium est prædestinationis nostræ: neque aliter in Christo nos elegit, quā expetendo nobis merita Christi, ceteraque dona inde profecta, quibus præuidebat nos in vitam æternam peruenturos. Enim uero si cum Damasceno, & communī Patrum sententia, imò cum Scripturis ipsis, indubitanter tenendum est, Deum omnes homines creasse in vitam æternam, verēque, & non ficte, omnibus beatitudinem voluntate antecedentes, seu conditionata, si per eos non flarer, exoptasse, ut q. 19. art. 6. latè ostensum est, non potest contrarium affirmari: quod art. 5. ostendemus.

B Alij affirmant, actum intellectus, quem diuina prædestinatione includit, non esse iudicium, seu intuitum, quō Deus prauidet modum, & media quibus quisque prædestinatus peruenturus est in vitam æternam: sed esse imperium diuini intellectus per modum legis ac præcepti, quo præcipit ipsam prædestinationis ordinationem in vitam æternam, qui actus liber est, & per verbum imperativi modi exprimitur: supponitque actum liberum voluntatis, à quo intellectus applicatur, & mouetur ad eum elicendum. *Quæ sententia videtur Diuini Thomæ in hac q. art. 4. iunctis iis*, quæ de imperio intellectus 1. 2. q. 17. art. 1. tradit.

C Confirmant autem illam, quoniam prouidentia & prædestinationis, quoad id quod ex parte intellectus diuini dicit, est notitia perfectè practica: talis autem, inquit, non est intuitus ille arguit iudicium diuinum, sed est imperium diuini intellectus.

D Hæc tamen sententia mihi numquam placuit. In primis enim, ut 1. 2. loco citato sat, ni fallor, ostendimus, necessarius non est imperandi actus à prudentia monastica elicitus, ut quis, vel propria voluntati, vel membris, facultative sua exequutrici imperet, sive electionem medij, sive vsum illius ad finem comparandum: sed satis est iudicium, quo intellectus cognoscit media, aptitudinemque singularium ad finem, queve eorum magis expediant ut voluntas sine alio imperio intellectus, eligat, quod maluerit, moueatque membra, facultatemque exequutricem ad operationem: eodemque modis satis est ex arte cognoscere, qualis modus tendens sit in quāque re fabricanda, ut voluntas, absque alio imperio intellectus, moueat membra, ceteraque instrumenta ad conficiendum artefactum. Præter alias verò rationes, quibus id eo loco ostendimus, adducebamur in hanc sententiam: tum quia superflus est huiusmodi actus: tum vel maxime experientia ipsa propria cuiusque nostrum. Ibidem quoque exposuimus testimonia Aristoteles 6. Ethicorum cap. 9. 10. vnde D. Thomas videtur morus, ut eiusmodi actum constitueret. Dixi, non opus esse tali actu imperij à prudentia monastica elicito ad functionem propriorum membrorum, ac facultatum: quia prudentia & economicia, ac politica, actum necessariò elicunt, cùm quid obseruandum, exequundumne sit: alijs præcipitur. Etenim leges ac præcepta, quibus alios moderantur, ac monentur, actus imperijque sunt intellectus, quæ vocibus, ac scriptis, ut propriis signis, exprimuntur. Quod si mente vicissim (vt de Angelis)

*Electio non
antecepsit
prædestinationem.*

*Christus est
medium pre-
destinationis
nostræ.*

*Aliorū quo-
rundam sen-
tentia.*

Conform.

*Prædestina-
tio ex parte
diuini intel-
lectus nō di-
cit imperium,
sed iudicium,
& intuitum
mediorum in
finem.*

*Imperij in-
tellectus quid
sit lex? ex pre-
ceptis aliis,
ex ciuili &
economicia
prudentia
proficia, con-
cedendū est.*

B b à multis

à multis dicitur) confabulari possemus, in mente ipsa imperantis cernerentur.

Deinde verò, quod ad Deum optimum maximum attinet, potest sententia illa impugnari. Primo, quoniam ut Deus efficaciter velit, vel media, quibus præuideret prædestinationem peruentur in vitam æternam, vel effectus alios sive prouidatia, factis est iudicium, quo intuetur accommodatione eorum ad suum: vi item, quod ita efficaciter vult, fiat tempore, pro quo volitum est, ut fieret, satis est voluntio diuina effectus: ergo illis duobus actibus integrè & perfectè cōpletur ratio prædestinationis aut prouidentia superflueque ponitur in Deo actus voluntatis, quo post iudicium illud, voluntas libere moueat intellectum ad eliciendum actum imperandi, vel circa suam volitionem mediorum ad finem, vel circa exequitionem, ac exilium medium, ut ab ipso metet Deo efficaciter emerent: maximum cum cadenti ratione, qua voluntas diuina sine fructu ab imperio intellectus posset velle ipsum actum imperandi liberum (alioguine, vel Deus nihil omnino vellet, vel daretur infinitus processus, tum in voluntatibus quibus actus imperadi vellet, tum in ipsis imperandi actibus) possit etiam velle res alias. Secundo, quoniam ut D. Thomas q. 14. art. 8. affirmat, docetque communis Theologorum sententia, notitia sola diuini intellectus non est causa rerum, sed indiget determinatione libera voluntatis, quia id quod intelligitur, sit volitum: ergo nostro intelligendi more cum fundamento in re, nec ars, nec vila alia notitia diuini intellectus, est proximum principium rerum, sed solum id habet diuina voluntio effectus, qua talis notitia determinatur: quod sit, ut imperium diuini intellectus non sit proximum principium rerum, ac proinde neque rationem prouidentia, neque prædestinationis compleat. Cū ergo ut Deus efficaciter possit velle res, satis esse videatur cognitione earum, atque accommodationis quarundam ad alias: quandoquidem Deum cum ea sola notitia non posse velle ut res sint, derogate videatur diuina potentia ac perfectione: in cōque quod velle possit, nulla certatur contradic̄tio: sit, ut nec prædestination, nec prouidentia imperium diuini intellectus includat. Quædo ergo Genes. 1. dicitur, *Dixit Deus fiat lux, & facta est lux. & Psalm. 32. Ipse dixit, & facta sunt, ipse mandavit, & creata sunt: sermo est metaphoricus, quo subesse omnia diuina voluntati ac potentia exprimitur, eique agenti per intellectum & voluntatem omnia, etiam quæ cognitione carent, quasi ad nutum obediunt: perinde atque ille aliud sermo ad Romanos 4. Vocab. ea, que non sunt, tanquam ea que sunt, metaphoricus etiam est.*

Explicitur aliqua facta Scriptura loca.

Ad confirmationem contraria sententia negandum est, iudicium ac inuitum, quo Deus præuideret modum, & media, quibus aliquis perducendus est in vitam æternam, vel aliquid aliud est faciendum, non esse notitiam perficissimè practicam.

Confirmatio contraria sententia disluitur.

Ad primum Scoti responderetur.

Superest respondeamus ad argumenta, quibus opinio Scotti, & D. Bonaventura confirmata est. Ad primum enim negandum est, prædestinationem in Scripturis sanctis appellari electionem, propositum aut dilectionem. Licet enim prædestinati dicantur electi, & dilecti: eo quod prædestinationem in vitam æternam, atque dilectionem adiunget, habeat: inde tamen non sequitur, prædestinationem in Scripturis sanctis appellari electionem vel dilectionem. Fieri namque optimè potest, ut quæ coniuncta sunt adiuvicem, variis nominibus significentur, & singula, concretè sumpta, de eodem sup-

A posito prædicentur. Ex eo autem, quod prædestinationi simus secundum propositum voluntatis diuinæ, non sequitur propositum illud esse integrum prædestinationem, sed ad eam esse necessarium, cāmque complere.

Secundum verò argumentum solum probat, in *ad secundum* prædestinatione includi actum voluntatis diuinæ, quod Deus efficaciter vult, quantum ex se est, conferre ea media quibus præuideret prædestinationem adulterum dependet: ut libero suo arbitrio peruenatur in vitam æternam. Quare actus ille voluntatis diuinæ, neque tota causa est effectuum omnium prædestinationis, cum multi ab influxu libero arbitrij pendeant, neque necessitatem ullam creata arbitrio inferat, ut art. 5. ostendemus.

DISPUTATIO III.

Quid nomine effectus prædestinationis comprehendatur.

Q uod ad exequitionem prædestinationis attingit, dubium est: virum nomine effectuum prædestinationis, intelligentur solum illi, qui supernaturales, finique supernaturali in suo ordine & gradu congruentes sunt, atque adeo ad ordinem gratiae dicuntur pertinere, de quibus in Concordia q. 14. art. 13. à disp. 8. & rufus à 3. latè dictum est: *verò vniuersum omnes, qui ad vitam æternam consequentiam, aut incrementum illius aliquo modo conferunt.*

Breueriter dicendum est: In primis comprehendendi eos omnes, qui ad ordinem gratiae pertinent, atque etiam vitam ipsam æternam, ad quam cetera dona gratiae tamquam ad finem ordinantur. Hos verò omnes, ut præciuos, comprehendit Paulus ad Rom. 8. vbi effectus prædestinationis explicat illis verbis: *Quos prædestinauit, hos & vocauit (per auxilia videlicet gratias præuenientis & excitantis, de quibus disputati, ibus citatis dictum est: cameris vocacionem externam per prædicationem, exempla, flagella & alia, de qua vocatione ibidem dictum est non videatur excludere) quos autem vocauit, hos & insificauit: quos autem insificauit, illos & glorificauit.* Potrò gloria, licet finis sit, ad quem prædestinatio cetera omnia, quorum est ratio, dirigit: id tamen non tollit, quin effectus sit prædestinationis. Prouidentia namque causa est eius finis, quem per media intendit, & efficit, licet sit ratio mediorum ad finem.

Dicendum est deinde, omnia vniuersum nomine effectuum prædestinationis comprehendendi, que ad vitam æternam, incrementumve illius aliquo modo conserunt: de quorum numero sunt, complexio ad probitatem propria, bona educatio, aliorum orationes. Imò & mors ipsa, cum potius uno tempore, quam alio contingit: *Quod probari potest, tum quia, ut ad Rom. 8. autor est Paulus, diligentibus Deum omnia cooperantur in bonum: tum vel maximè, quoniam dona gratiae pendent saepe ex eiusmodi aliis mediis.* Quod item aliquis est vita decedat in gratia, atque adeo sit prædestinatus, interdū penderet ex eo, quod ei citius vel tardius supra dies adueniat, iuxta illud Sap. 4. *Raptus est ne malitia mutares intellectum eius, aut ne fictio deciperet animam illius: placita enim erat Deo anima illius, propter hoc properauit educere illum de medio iniquitatum: ergo ea omnia inter effusus prædestinationis numeranda sunt.*

Potrò duo necessaria sunt, ut aliquid effectus sit prædestinationis. Vnum est, ut illud sit à Deo: quod enim à Deo non est, esse nequit effectus prædestina-